

- ‘Donec bibamus dulciter
In tonna dormi dulciter.’
178. Tres festinant ad pocula
Bibituri p^ra camina
Sedent. loquuntur nimium,
Bibunt vinum clarissimum.
179. Et cum porcinis gregibus,
Sonore grunnientibus,
Subulcus transit pervius
In pharetratis renibus.
180. Dum porcos audit unibos
Tonnae fricare circulos,
Exclamat: ‘adversarii,
Ah, non sunt adhuc ebrii?’
181. Horret subulcus de sono
Unibovis incognito,
Vas quernum tangit baculo
Dicens inclusu misero:
182. ‘Pro quo clausus es criminе
In apotheca, perdite?
Prompte respondet unibos:
‘Honores nolo maximos.
183. Hujus coloni patriae
Me compellunt cotidie,
Me volentes efficere
Praepositum potentiae.
184. Ergo nunquam praepositus
Ero meis aetatibus,
Nam sufficit quod habeo
Honores regni renuo.’
185. Subulcus inquit cupidus:
‘Me decet honor maximus;

178, 4 vielleicht jugitur? 179, 2 sonoris grunnientium.